

# 辨证奇闻

Bianzheng Qiwen

清·陈士铎 著



陈士铎

外经微言·脉诀阐微·辨证玉函

洞天奥旨

石室秘录

辨证奇闻

辨证录

本草新编

# 辨证奇闻

Bianzheng Qiwen

清·陈士铎 著



外经微言·脉诀阐微·辨证玉函

洞天奥旨

石室秘录

辨证奇闻

辨证录

本草新编

## 图书在版编目 (CIP) 数据

辨证奇闻/ (清) 陈士铎著. —太原: 山西科学技术出版社, 2011. 5  
(陈士铎医学丛书)

ISBN 978 - 7 - 5377 - 3389 - 2

I. ①辨… II. ①陈… III. ①医案—中国—清前期 IV. ①R249. 49

中国版本图书馆 CIP 数据核字 (2010) 第 129140 号

点校: 文红旗 裴效华 张姣兰 毛俊艳 田松 焦建平 丁玉田  
杨萍 孙雅琴 亢秋云 田建刚 王萍 张淑平 刘晓光  
梁大庆 胡伟 孙建英 员圆

陈士铎医学丛书

### 辨证奇闻

---

著者 清·陈士铎

---

出版 山西出版集团·山西科学技术出版社  
(太原市建设南路 21 号 邮编: 030012)

发行 山西出版集团·山西科学技术出版社 (电话: 0351 - 4922121)

印刷 山西人民印刷有限责任公司

经销 各地新华书店

---

开本 850 毫米 × 1168 毫米 1/32

印张 12.25

字数 300 千字

版次 2011 年 5 月第 1 版

印次 2011 年 5 月第 1 次印刷

印数 1—3000 册

书号 ISBN 978 - 7 - 5377 - 3389 - 2

定价 25.00 元

---

如发现印、装质量问题, 影响阅读, 请与发行部联系调换。



## 道光间钱松刻本序

上古言医，所以为国为民，上而君国，下及庶民，无非一视同仁，是以因病用药，药无不效。后世之人，以医为养生之道，是以心多私欲，即多疵谬，此心之与古人不同故耳。予虽无大公为怀之心，颇有一视同仁之想。束发受医，长而精进者，为先君子之卧病年余也。不意中年屡受特恩，擢为太医之使，感天恩之难尽，思同惠于后人。《辨证奇闻》一书，家藏久矣，予深受其益，详加删定，分为十卷，付之剞劂，用特公诸同世，既可为同人之助，亦可告不敢私藏之隐愿云尔。



时道光三年岁次癸未诤授中宪大夫太医院院使加三级钱松自

识



## 自序

丁卯秋，余客燕市，黄菊初开，怀人自远。忽闻剥啄声，启扉迓之，见二老者衣冠伟甚，余奇之，载拜问曰：“先生何方来，得毋有奇闻诲铎乎？”二老者曰：“闻君好医，特来辨难耳。”余谢不敏。二老者曰：“君擅著作者，何不著书自雄，顾咕咕时艺，窃耻之。”余壮其言，乃尚论《灵》《素》诸书，辨脉辨证，多非世间语，余益奇之，数共晨夕，遂尽闻绪论，阅五月别去，训铎曰：“今而后君可出而著书矣。”铎退而记忆，合以所试方，日书数则，久乃成帙。夫医道之难也，不辨脉，罔识脉之微；不辨证，罔识证之变。今世人习诊者，亦甚多矣，言人人殊，究不得其指归，似宜辨脉不必辨证也。虽然，辨脉难知，不若辨证易知也。古虽有“从脉不从证”之文，毕竟从脉者少，从证者众。且证亦不易辨也。今人所共知者，不必辨也。古人所已言者，不必辨也。必取今人之所不敢言，与古人之所未及言者，而畅辨之。论其证之所必有，非诡其理之所或无，乍闻之而奇，徐思之而实未奇也。客曰：“布帛菽粟，可以活人，安在谈医之必奇乎？”余谢之曰：“布帛菽粟，平淡无奇，而活人之理实奇也。日服之而不知其何以温，日食之而不知其何以饱，致使其理之彰可乎？铎之辨证，犹谈布帛菽粟之理耳。”客又笑曰：“君辨理奇矣，已足显著作之才，奚必托仙以炫奇耶？”铎，尼山之弟子也，敢轻言著作乎？闻二先生教，亦述之而已矣，何必





讳其非仙哉。仙不必讳，而必谓是书非述也，得毋欺世以炫奇乎？书非炫奇，而仍以“奇闻”名者，以铎闻二先生之教，不过五阅月耳，数十万言，尽记忆无忘，述之成帙。是则可奇者乎，岂矜世以炫奇哉？

山阴陈士铎敬之甫别号远公又号朱华子题于大雅堂





## 目 录

- |                   |  |                 |
|-------------------|--|-----------------|
| <b>辨证奇闻·卷之一</b>   |  | 咳嗽 ..... (88)   |
| 伤寒 ..... (1)      |  | 喘 ..... (92)    |
| 中寒 ..... (23)     |  | 怔忡 ..... (93)   |
| <b>辨证奇闻·卷之二</b>   |  | 惊悸 ..... (95)   |
| 中风 ..... (27)     |  | 虚烦 ..... (96)   |
| 痹症 ..... (38)     |  | 不寐 ..... (97)   |
| 心痛 ..... (43)     |  | 健忘 ..... (99)   |
| 胁痛 ..... (46)     |  | 癫痫 ..... (101)  |
| 头痛 ..... (48)     |  | 狂 ..... (104)   |
| 腹痛 ..... (51)     |  | 呆 ..... (107)   |
| 腰痛 ..... (53)     |  | 呃逆 ..... (109)  |
| <b>辨证奇闻·卷之三</b>   |  | <b>辨证奇闻·卷之五</b> |
| 咽喉 ..... (57)     |  | 关格 ..... (111)  |
| 牙齿 ..... (60)     |  | 中满 ..... (113)  |
| 鼻渊 ..... (63)     |  | 反胃 ..... (115)  |
| 目痛 ..... (65)     |  | 臌胀 ..... (117)  |
| 耳痛 附耳聋 ..... (71) |  | 厥症 ..... (122)  |
| 口舌 ..... (74)     |  | 春温 ..... (125)  |
| 血症 ..... (75)     |  | <b>辨证奇闻·卷之六</b> |
| 遍身骨痛 ..... (83)   |  | 火热 ..... (141)  |
| <b>辨证奇闻·卷之四</b>   |  | 暑症 ..... (151)  |
| 五郁 ..... (85)     |  | 燥症 ..... (157)  |





痿症 ..... (164)

消渴 ..... (168)

### 辨证奇闻·卷之七

痉症 ..... (172)

汗症 ..... (178)

五疰 ..... (182)

泻 ..... (187)

痢 ..... (192)

癥瘕 ..... (199)

### 辨证奇闻·卷之八

疔 ..... (204)

虚 ..... (209)

癆瘵 ..... (215)

梦遗 ..... (224)

阴阳脱 ..... (228)

淋 ..... (231)

### 辨证奇闻·卷之九

大便闭结 ..... (235)

小便不通 ..... (240)

内伤 ..... (243)

疝气 ..... (253)

奔豚 ..... (255)

阴痿 ..... (256)

痰症 ..... (259)

### 辨证奇闻·卷之十

鹤膝 ..... (270)

痹风 ..... (271)

遗尿 ..... (272)

脱肛 ..... (273)

阳强不倒 ..... (275)

发斑 ..... (276)

火丹 ..... (277)

离魂 ..... (278)

疰夏 ..... (279)

脚气 ..... (280)

中邪 ..... (281)

中妖 ..... (284)

中毒 ..... (287)

肠鸣 ..... (292)

自笑 ..... (293)

喑哑 ..... (295)

瘟疫 ..... (297)

种子 ..... (298)

### 辨证奇闻·卷之十一

带门 ..... (303)

血枯 ..... (306)

血崩 ..... (307)

调经 ..... (310)

受妊 ..... (316)

恶阻 ..... (320)

### 辨证奇闻·卷之十二

安胎 ..... (322)

小产 ..... (326)

鬼胎 ..... (328)

难产 ..... (329)

血晕 ..... (332)







- |                  |       |                  |       |
|------------------|-------|------------------|-------|
| 胞衣不下 .....       | (333) | 乳痈 .....         | (364) |
| 产后 .....         | (334) | 肚痈 .....         | (366) |
| 下乳 .....         | (339) | 多骨痈 .....        | (367) |
| <b>辨证奇闻·卷之十三</b> |       | 恶疽 .....         | (367) |
| 惊疔吐泄 .....       | (340) | 疔疮 .....         | (368) |
| 便虫 .....         | (343) | <b>辨证奇闻·卷之十五</b> |       |
| 痘 .....          | (344) | 杨梅 .....         | (369) |
| 疹 .....          | (349) | 腰疽 .....         | (371) |
| 吃泥 .....         | (350) | 擎疽 .....         | (372) |
| 胎毒 .....         | (350) | 脚疽 .....         | (372) |
| <b>辨证奇闻·卷之十四</b> |       | 鬃疽 .....         | (373) |
| 背痛 .....         | (351) | 唇疔 .....         | (374) |
| 肺痈 .....         | (354) | 瘰疬 .....         | (374) |
| 肝痈 .....         | (356) | 痔漏 .....         | (375) |
| 大肠痈 .....        | (357) | 顽疮 .....         | (377) |
| 小肠痈 .....        | (359) | 接骨 .....         | (378) |
| 无名肿毒 .....       | (360) | 金疮 .....         | (379) |
| 对口 .....         | (362) | 物伤 .....         | (380) |
| 脑疽 .....         | (362) | 癩 .....          | (381) |
| 囊痈 .....         | (363) | 刑杖 .....         | (381) |
| 臂痈 .....         | (364) |                  |       |





## 辨证奇闻·卷之一

山阴 陈十铎远公父原本  
宁乡 文守江南纪氏敬述

### 伤寒

一冬月伤寒，发热头痛，汗出口渴，人谓太阳证，谁知太阳已趋阳明。若徒用干葛汤治阳明，则头痛不能除；若徒用麻黄汤治太阳，则汗不能止，口渴不能解，势必变症多端。法宜正治阳明，兼治少阳。盖邪入阳明，留于太阳者，不过余邪，治太阳反伤太阳矣。故太阳不必治，宜正治阳明。盖阳明多气多血，邪足恣其凶横，如贼人通都大邑，其抢掠之势，较穷乡僻壤自不同，所得之物，足以供其跳梁。故邪入阳明，挟其腑之气血，炎氛烈焰，往往然也，岂可以轻小之剂望其解散，必须大剂凉药始可祛除其横暴。用：

石膏一两 知母二钱 麦冬二两 竹叶二百片 茯苓 人参三钱 甘草 柴胡 梔子一钱

一剂头痛除，二剂身热退，汗止，口不渴。此即白虎汤变方。用石膏、知母泄阳明火邪；柴胡、梔子断少阳路径；妙在用麦冬至二两，以清补肺气，使火邪不上逼；更妙用茯苓引火下趋膀胱，从小便出，太阳余邪尽随外泄。至于人参、甘草、竹叶，取其调和脏腑，所谓攻净补兼施也。

或惧前方太重，则清肃汤亦可，兼载以备选用。





石膏五钱 麦冬一两 知母 甘草 人参 柴胡 栀子各一钱 独活 半夏五分

[批] 集中未注煎法者，俱系水煎服，各卷仿此。

一冬月伤寒，发热口苦，头痛，不欲饮食，腹中时痛，人谓太阳症，谁知是少阳症乎。伤寒未有不从太阳入者。由太阳入阳明，由阳明入少阳者，传经次第也。何以初入太阳，即越阳明而入少阳？人谓隔经之传，孰知不然。盖少阳乃胆经，胆属木，木最恶金，肺属金，主皮毛，风邪之来，肺金先受，肺欺胆木之虚，即移邪于少阳。故太阳往往多兼少阳同病者，此耳。然此症乃二经同感，非传经之症。治法似亦宜兼二经同治，而又不然，单治少阳，太阳之病自愈。方用：

柴胡二钱 白芍五钱 甘草 陈皮一钱 黄芩 神曲一钱 白术 茯苓三钱

一剂热止，二剂腹不痛，头不疼，口亦不苦。此即逍遥散之变方，何治伤寒如此之神？不知病在半表里，逍遥解散实邪，表里之邪既解，太阳膀胱之邪何能独留。况方中原有白术、茯苓三钱以利腰脐，通膀胱之气乎？余所以止加神曲、黄芩，少解胃火，和脾气，诸症所以尽除。

此用舒经汤亦佳：

薄荷 白术二钱 白芍 茯苓五钱 甘草八分 黄芩一钱 桂枝三钱

一冬月伤寒，发热口渴，谵语，时发厥，人谓热深厥亦深，疑厥阴症，谁知太阴症乎。夫太阴土与阳明胃相表里，表热里亦热，此胃邪移于脾经也，此症最危。盖人以脾胃为主，脾胃尽为火邪所烁，肾水有不熬干乎？宜急救脾胃。然救脾而胃火愈炽，救胃而脾土立崩，此中消息最难，然终何以救？必速救肾水之



枯。玄参三两，甘菊、熟地一两，麦冬二两，芡实五钱。名救枯丹。用玄参以散脾胃浮游火，甘菊以消胃邪，麦冬以滋肾液，熟地以生肾水，庶几滂沱大雨自天而降，大地焦枯立时优渥，何旱魃之虑哉。又恐过于汪洋，加芡实以健土，又仍是肾经药，则脾肾相宜，得其灌溉之功，绝无侵袭之患，此立方之所以神也。故一剂澹定，再剂渴除，三剂厥止身凉。

此症用清土散亦效：

石膏 麦冬 生地各一两 甘草一钱 银花五钱 白术三钱

一冬月伤寒，大汗而热未解，腹又痛不可按，人谓邪发在外未尽，内结腹中，阳症变阴之候，余以为不然。伤寒汗大出，邪必随出，宜无邪在中，何又腹痛？此乃阳气尽亡，阴亦尽泄，腹中无阴相养，有似邪之内结作痛，此阴阳两亡急症。夫痛可按为虚，不可按为实，何以此不可按又谓虚？不知阴阳两亡，正在将绝，不按痛且难忍，况按又伤肠胃，安得不重增其苦，所以不可按也。此急症，不可缓，用急救阴阳汤：

人参 白术 熟地二两 当归 甘草三钱 黄芪三两

一剂腹痛止，身热解，汗尽止。方用参、芪补气，使阳回于阴内；归、地补血，使阴摄于阳中；术、草和脾胃而通腰脐，使阴阳归于气海、关元，则亡者不亡，绝者不绝。倘认是阳症变阴，纯用温热，加肉桂、姜、附，虽能回阳于顷刻，然内无阴气，阳回阴不能摄，亦旋得而旋失。

用救亡汤亦效：

人参 当归 熟地各一两 甘草二钱 熟附一片

[批] 后方更稳。

一冬月伤寒，大汗热解，腹微痛，腰不可俯仰，人谓邪在肾经，欲用豨莶丸加防己，不知此乃发汗亡阳，阳虚阴不能济也。





阴阳互为其根，无阳阴不生，无阴阳不化，此症汗泄过多，阳气无几，阴又自顾不遑，不敢引阳入室，阳无所归，故行于腹，孤阳无主而作痛；肾中之阴，因阳气不归，孤阴无伴，不敢上行于河车之路，故腰不可俯仰。用引阳汤：

杜仲 甘草一钱 山药五钱 茯苓二钱 芡实 人参三钱 肉桂三分 白术五钱

一剂腹痛止，二剂腰痛轻，三剂俯仰自适。方妙在助阳气不去助阴。盖阴之所以杜阳者，欺阳衰也。譬之夫妇好合，岂忍永绝良人。因夫不慎，外侮相争，焦头烂额，狼狈逃回，因羞变怒，杜绝不许入房。倘夫得良朋之益，捆载而归，见金多有不变色者乎？知必开门迎笑，所以助阳兼助阴者，此耳。倘用豨莶、防己，重损阴阳，则夫贫妇贫，彼此成仇，终身反目。

济阳汤亦可：

杜仲二钱 山药一两 甘草 故纸一钱 人参 白术五钱

[批] 加故纸甚当。

一冬月伤寒，大汗，气喘不能息，面如朱红，口不能言，呼水自救，人为热极，欲用白虎解阳明火，而不知此乃戴阳症，上热下寒，若用白虎，虽多加人参，下喉即亡。用八味地黄汤半斤，煎汤，恣其渴饮，必熟睡半日，醒来汗必止，气必不喘，面必清白，口不渴。此原不必汗而汗，必致大汗。汗既大出，阳邪尽泄，阳尽散，阴亦随之上升，欲尽从咽喉外越。以皮毛出汗，阴气奔腾，不得尽随汗泄，故直趋咽喉大路，不可止抑。阴既上升，阳又外泄，不能引阳回气源源，阳亦随阴而上，阴气逼之不可下，故气喘不能息。且阳在上，火亦在上者，势也。况阴尽上升，则肾宫寒极，下既无火，上火不归宿，故面赤。上火不散，口亦渴，呼水自救者，救咽喉热，非救肠胃热。实热多成于胃火，胃热必号咷狂呼，今虽喘，形症尚宁，口欲言而不得，非虚





热而何？此真上假热下真寒。八味汤妙在补水仍补火，下喉，火得水而解，入胃，水得火而宁，调和上下，灌溉肺肾，实有妙用。夫发汗亡阳，本是伤气，何以治肾而能奏功？不知亡阳症内无津液，致内火沸腾，大补真阴，胃得之而息焰。胃火息，肾之关门闭矣。肾关闭，胃土气自生。胃气生，肺气不因而得养乎。肺气生，清肃之令行，母呼子归，同气相招，势必下引肾经，自归子舍。肾气既归，而肾中又有温和春色以相熏，汪洋春水以相育，则火得水生，水得火悦，故奏功。

返火汤亦神：

熟地三两 肉桂三钱 枣皮一两

一冬月伤寒，发厥，面青手冷，两足又热。人谓直中阴寒，宜理中汤。不知此乃肝气抑郁不散，风邪在半表里，若用理中，必发狂死。夫直中阴寒，未有不从足先冷者，今足既热，非直中肝经明矣。邪既不在肝，似不可径治肝。然邪虽不在肝经内，未尝不在肝经外。邪在门外，与主何与，而现发厥、面青、手冷？不知震邻之恐，犹而警惕，岂贼在门外，主人有不张惶者乎。势必执枪刀思御侮。此时而能登高号召，劝谕高呼，贼知内有防护，外恐有应援，自易解散。倘用理中，是以火攻杀贼，贼未擒，房舍先焚，贼且乘火突入，杀主而去。法用小柴胡汤加减，以散半表里之邪，肝气自安，外邪化为乌有。

柴胡二钱 白芍五钱 甘草 黄芩 半夏一钱 当归钱半

一剂手温，再剂厥止身热，面青自愈。

一冬月伤寒，身热，汗自出，恶寒不恶热。人谓阳明之症，欲用石膏汤，不知非阳明也。汗出似阳明，然阳明未有不恶热者。今不恶热而恶寒，此阳气甚虚，邪欲出不出，内热已解，内寒未散，必因误汗所致。用补中汤：





人参 黄芪三钱 白术 当归二钱 柴胡 甘草 陈皮一钱  
升麻四钱 桂枝五分

一剂汗止身凉，寒亦不恶。补中汤东垣用治内伤，实有神功，不见讥长沙张使君乎？不知伤寒亦有内伤，不可拘于伤寒，不思治变症之方。况症因误汗而成，汗已出，邪存于经络者必浅，即畏寒，寒邪亦不重，是外感而兼内伤。此方补正有祛邪，故兼用成功，况又加桂枝散寒乎。倘作阳明症，用白虎，少投石膏，鲜不变虚寒而死。

温正汤亦可：

人参 当归五钱 黄芪一两 柴胡 神曲一钱 甘草五分 桂枝三分

一冬月伤寒，身热五六日不解，谵语声低，口渴，小便自利，欲卧。人谓阳明余热未解，余谓不然。夫谵语虽属胃热，然声必高，拂意必怒，今谵语低声，非胃热。既非胃热，何口渴欲饮水自救耶？然口渴饮水，水不能化痰上涌，直奔膀胱，小便自利，其非胃热又明矣。阳明火盛多发狂，今欲卧，岂是胃热。但非胃热，何谵语、口渴不解至五六日耶？不知此乃心虚症，心虚神不守舍而谵语，火起心包而口渴。心与小肠相表里，水入心，心即移水于小肠而小便自利。用清热散：

茯苓五钱 麦冬一两 丹皮二钱 柴胡一钱 甘草五分

一剂谵止，二剂渴除热解。用麦冬补心，茯苓分消火热，柴胡、丹皮、甘草和解邪气。心气足，邪不能侵，尽从小肠以泄，中心宁静，津液自生，故渴除，肾气上交于心，精神自长，不思卧。倘疑胃热而用白虎，鲜不败衄。

凉解汤亦可：

茯神三钱 玄参一两 柴胡一钱 甘草二分 砂仁二钱 麦冬五钱





冬月伤寒五六日，往来寒热，胸胁痞满，或呕吐，或渴或不渴，或烦或不烦，人谓少阳症，宜小柴胡和之。小柴胡，少阳药，少阳居表里之间，邪入而并于阴则寒，邪出而并于阳则热，故痰结于胸而苦满，欲吐不吐，欲渴不渴，烦闷生。用之自易奏功，然不可常用，何也？盖少阳胆木，最喜水，其次喜风。柴胡风药，得之解愠，然日以风药投之，枝叶条达，终必干燥，一旦大雨则郁郁葱葱，其扶疏青翠为何如耶。故用柴胡汤后，必须补水。用济生汤：

熟地 玄参五钱 麦冬 白芍三钱 枣皮一钱 山药 茯苓二钱  
柴胡五分 神曲三分 竹叶一团

一剂烦闷除，再剂寒热止，三剂愈。方多直补肾水，直补其胆木之源，则胆汁不枯，足以御侮。况加柴胡，仍散半表里之邪，安得不收功速乎。倘疑伤寒后不宜纯用补肾药，恐胃气有伤，难以消化。不知少阳之症，由太阳、阳明传来，火燥水涸，不但邪逼胆汁，半致熬干，五脏六腑尽多火烁，是各经无不喜盼霖雨，非惟少阳胆木喜水也。补水之药，又何有停隔哉。

和隔散亦妙：

柴胡一钱 白芍一两 生地五钱 玄参三钱 麦冬 茯苓二钱  
竹茹一团 芥子一钱

水煎。

一冬月伤寒，发热至六七日，昼则了了，夜则谵语，如见鬼状，按腹痛欲死。人谓热入血室，然不止此。虽因经水适来，感寒而血结，故成症状。然未伤寒前，有食未化，血包其食而为疟母。论理小柴胡为正治，然此汤止能解热，使热散于血室中，不能化食，使食消于血块内。一方最神，治热入血室正相宜。用两消丹：

柴胡 炒杏仁二钱 丹皮 白芍五钱 鳖甲 当归三钱 楂







肉 甘草一钱 枳壳五分 桃仁十粒

一剂痛轻，二剂鬼去，谵语止，腹安，杳无寒热。此方既和表里，血室之热自解。妙在用鳖甲直攻血块内，以消宿食，所谓直捣中坚，虐母何有而作祟乎。服吾药，实可作无鬼论。

清白散亦妙：

丹皮 当归 茯苓三钱 柴胡 前胡 青皮 炒杏仁二钱  
白芍一两 白术五钱 人参 半夏 甘草一钱

一冬月伤寒，项背强几几，汗出恶风，服桂枝加葛根汤不愈，人谓太阳阳明合病，舍前方无药治。不知太阳邪既入阳明，自宜专治阳明，不必又顾太阳。况葛根汤仍用桂枝以祛太阳邪，是太阳邪轻，阳明邪重。方用竹叶石膏汤以泄阳明火，前症自愈。但不必重用石膏。

石膏 麦冬三钱 知母八分 半夏 甘草二钱 竹叶五十片

一剂汗止，再剂项背强几几尽去，风亦不畏。倘仍用前方，病虽愈，消烁津液必多。予更示方法使治伤寒者宜思变计，而不可死于古人文内。

清胃汤亦佳：

玄参 生地五钱 知母二钱 半夏一钱 甘草五分

一冬月伤寒，头痛几几，下利。头痛，太阳症；几几，阳明症。二经合病无疑，似宜两解，然不可两治，以其下利耳。阳明胃土，今挟胃中水谷下奔，其势欲驱邪而尽入于阴经，若不专治阳明，急止其利，则阳变为阴，热变为寒，害不可言。方用解合汤：

葛根二钱 茯苓五钱 桂枝三分

一剂利止，二剂头痛几几愈。盖葛根乃太阳、阳明圣药，况加桂枝，足散太阳之邪，茯苓不独分消水势，得桂枝且能直趋膀胱。

